

Ataatsimiinnerup ammarneqarnera
(Inatsisartut Siulittaasuat)

Nuannaarutigeqaara immikkut ittumik ataatsimiinnermut matumunnga ullunik marluinnarnik sivilissuseqartussamut tamassi qamannga pisumik tikilluaqqusinnaagassi.

Immikkut ittumik ataatsimiinnermut matumunnga ataatsimiigiaqqusineq pivoq Naalakkersuisut siulittaasuata Inatsisartut Suleriaasianni § 38, imm. 3 innersuussutigalugu kissaatigisimammagu Inatsisartut ataatsimiigiaqquneqarnissaat, oqaluuserisassat ukiakkut ataatsimiinnermut utaqqisinneqarsinnaanngitsut oqaluuserineqarnissaat siunertaralugu.

Ilaasortat tamarluinnangajammik maani immikkut ittumik ataatsimiinnermi najuuttut takusinnaavara.

Taamaalillunga immikkut ittumik ataatsimiinneq manna ammartutut nalunaarutigaara.

Taamaalilluta aamma oqaluuserisassani immikkoortumut tullermit, imm. 2-mut, oqaluuserisassanut nassuiaammut ingerlaqqissaagut.